

ISLAMONLINE.UZ

halol.uz

Ҳалол



Мажусийлар (оташпарастлар) ва унга ўхшаш тоифадагиларнинг сўйган ҳайвонлари



Мажусий (оташпараст)лар томонидан сўйилган ҳайвонлар хакида Ислом уламолари ихтилоф этганлар. Аксарият уламолар мажусийлар сўйган ҳайвонларни ейишликни ножоиз деб билиб таъкиклаганлар. Чунки улар мушрикдирлар.

Баъзи олимлар эса ҳалол деб билганлар. Чунки пайгамбаримиз саллоллоху алайхи васаллам; "Ахли китобга қандай муносабатда бўлсангиз уларга ҳам шундай муомала

килинг" деганлар.

Имом Бухорий ва бошқаларнинг ривоят қилишича Расулуллох саллоллоху алайхи васаллам Хожар мажусийлари келтирган жизияни қабул қилганлар.

Ибн Ҳазм бу хусусда шундай дейди: "Улар аҳли китобдир, шунинг учун ҳар ҳолда аҳли китоб ҳукмидадирлар".

Имом Абу Ханифанинг фикрига қура, собийлар (юлдузларга ибодат қилганлар) ҳам аҳли китобдан ҳисобланадилар.

БИР КОИДА: БИЛМАГАН НАРСАЛАРНИ СУРИШТИРМАСЛИК

Мусулмон киши билмаган нарсасини излашликка мажбур эмас экас. Масалан: Ажабо, бу хайвонни қандай сўйган эканлар? Бутун шартларга амал қилишганимиз ёки йўқми? Сўйилаётганда Аллох исми зикр қилинганми, сингари саволлар билан шубҳага берилишнинг ҳожати йўқ. Чунки фосик бўлса ҳам мусулмон ёхуд аҳли китобдан бир киши сўйган хайвоннинг гўштини ейишлик ҳалолдир.

Юқорида Имом Бухорий ривоят қилган бир ҳадисни эслатиб ўтган эдик: Бир гуруҳ мусулмонлар ўзларига гўшт келтирганини, аммо унинг устида Аллох номи тилга олинганми, йўқми, буни билмаганларини Расулуллох саллоллоху алайхи васалламга билдирганларида пайғамбаримиз саллоллоху алайхи васаллам; "Сиз Аллох таоло исмини зикр қилган ҳолда еяверинг" деганларини биламиз.

Уламолар мазкур ҳадис хусусида шундай деганлар: "Бу бутун феъл ва ҳаракатларни сиххат ва саломат ҳолати доирасида қабул қилишликнинг далилидир. Бу масалада фасод ва бузгунчиликка доир бир далил мавжуд бўлса, у ҳолда аввалги ҳукмлар ўзгаради".

Юсуф Қаразовий "Исломда ҳалол ва ҳаром" китобидан
Абу Муслим тайёрлади